

全州李氏世譜卷之一

重刊序

昔者聖王之制族統于宗宗統于君一本散爲萬殊萬殊合爲一本故彝倫以叙風俗以美恭惟我

太祖高皇帝以間世神聖勇智奄有東國天又錫祚則百斯男逮

宣陵時有十四王子螽斯麟趾振繩蕃衍而派々自宗各立譜編各定名行故情誼不相貫先世病之思欲統而一之而猝未易就曩於庚子修

族叔判書根滫公以同譜編同名行白 上蒙 允始克合編而事在草創不

億其麗散居八域聞或後時單或未到頗多見漏且經三十星霜未壯者已壯

未生者又生所宜續載及今而不重修則前人之苦心遠慮易歸烏有故歲乙

丑族議齊發謀始役而事係浩瀚費四五歲功告訖其規例上自 司空公爰

及 列聖明所生也中以十四君繼以始之篤所親也下以各派子孫計世同

編示所近也博采先世之行義名蹟間或編入者傳心法也十四派同一譜數

百世爲一家正所謂混々長源蔚々洪柯矣僉意屬庚薰序其事顧以殘材淺

識始終幹役猶憂擔重矧又置名卷首不亦猥越乎第念譜規莫盛於本朝豈

不是美事而文之弊虛僞或有尊祖悖族之名而無尊祖悖族之實彝倫之不

叙風俗之不美亦由是耳嗚呼懲前毖後君子之心也勤始怠終常人之情也

同吾譜者請自今後名而先實體祖先之貽謨悲宗族之離散士焉務學業焉盡力以忠信立心以孝悌御家勿替引之則祖不期尊而自尊族不期惇而自惇吾譜之修永有辭於天下後世矣是則庚薰不可不一言以相勗

前主事庚薰謹書

舊序

昔我

正廟朝璿源續譜序曰上繩祖烈下貽孫謨旁親九族由近而及遠聖人之道如斯而已大哉王言一言而爲萬世法故鄒經曰遵先生之法而過者未之有也曾傳曰君子賢其賢而親其親聖王所以新民止於至善者即其賢賢親親而唐堯之親族周王之惇宗不外乎賢其賢而親其親矣惟我十四派子孫均出於

成廟朝自我先祖而視之則一是同根之親也由衰期而至總功則孰非華胄之係乎然而一氣纔分後屬踈遠至於自行其行各譜其譜視若路人焉實非吾祖眷祐之意也竊嘗慨歎奧庚子自

上命修璿源續譜余適叅 朝班

成廟朝王子十四派同行同譜事上 奏蒙 允詢于僉族乃選族叔祖承氏任都有司之役族姪章薰任校正之役閱歲校徵始乃同其譜而一其行以勉親

親之義博考諸家遺籍旁搜遐裔逸乘黜僞存信舉昵及踈而又叙名哲事行尤致詳焉蓋其爲書歸在精緻要使百世之後確有攷稽矣卷首謹書

司空公以下世系及

列聖朝傳授圖以明吾李之出於 璿璜而猶魯史之歸宗于周元也本支之系分外黨之悉錄無不畢舉明昭穆所以視行列也立小宗所以視派分也譜事既創而經費告罄錢梓未半因以廢却族叔祖承氏亦已逝矣遞經十餘星霜嗚呼初焉美舉末乃廢置切有感於叙族之誼也余乃更謀始克成譜古人云有君子而無祿位族雖衰猶盛也無君子而有祿位族雖盛猶衰也凡我宣陵王子諸派之推爲巨族者豈爲其有顯官也歟以其多顯人也嗟吾諸族盍相勗焉在家孝睦在邦忠信以求其無忝所生嘗恐有玷於先訓則尊祖敬宗之道實不外此而人之覽吾譜者亦將興起其誠孝之心思所以飭躬而裕其子孫立名而顯其祖考則斯譜也可以傳于世而亦不負我正廟朝由近及遠之大訓矣諸族勉乎哉

資憲大夫前法部大臣根濬謹序

記

水流萬派其源則一木秀千幹其根則一人族之派分支流出自一祖苟疎於族而薄於親是忘其先也可不懼哉惟我

宣陵王子十四派後裔公族之振振華胄之赫赫非不昌熾世級已降本支漸分
至於各譜其譜各行其行昵者疎近者遠視若路人焉族誼之蔑如於斯極矣
考諸遺蹟則蓋自先世合譜之議數起而不成此實吾宗之遺憾往在庚子自
上命宗正院續修瞻源譜總一百二十餘派矣三四諸族相謂曰今此修譜之時
我十四派盍一其行而同其譜也乃告族叔台根濬氏因 上奏蒙 允詢謀
已同乃選族大父祖承氏任都有司之役余亦忝在校正之役稽之於古質之
於今文憲之足徵者閱歲校正噫立小宗而各繼其祖則諸派之所由分也篤
彝倫而推本其先則一譜之所以合也乃謹依續譜法例合刊于宗院卽奉
上命而修大譜也復取私譜規則同印于都所卽叙族誼而合小譜也隆殺有節
博約并行譜事旣備矣越明年辛丑春始創劂已經千辛萬苦纔登梓者不
過七卷而止其於力綿財薄何哉因以廢却至乙巳夏族大父祖承氏亦已逝
矣自昨年夏與其允叔根澍氏更謀續刊選族叔台根濬氏任都有司之役余
亦復忝校正之役更告於諸派辛丑以後生卒後爲錄載則爲三十卷矣揣摩
首尾凡十有餘年始克成譜昭穆於是乎明矣行列於是乎序矣凡我諸族益
修敦睦之義叔叔侄侄兄弟弟自不紊亂百世一室之誼永世勿替上以答
祖宗眷佑之靈下以修宗族相好之誼一團和氣以作一宗之清風後昆之克
熾而豐乃人理之自然可不懋哉傳曰思誠者人之道也又曰孝悌也者其爲

仁之本推其思誠之道立此爲仁之本而蘇氏族譜序曰觀吾譜者孝悌之心油然而生豈不由於思誠之道而然也故君子造基業於前而垂統緒於後後之人嗣而修譜吾宗其庶幾乎

前主事章薰謹記

跋

譜者所以尊祖而收族也苟無譜安能尊其祖以收其族也吾宗均出於宣陵王子十四派而分派以後三百有餘禩矣派分而成譜支分而成行尙無譜焉修譜之議屢起而未合實先世未遑之事先考嘗以是慨歎光武四年庚子春因濬源譜續修之時十四派合譜之議又創詢謀乃同設都譜所先考主都有司之任族侄章薰任校正之役博考遺籍傍搜逸乘閱歲校正越辛丑夏始乃鍍梓屢經艱棘纔印七卷而廢此實財力難敷美事未成先考之精力於斯已盡飲恨者亦已數年矣乙巳夏先考捐世譜役之未竣痛恨靡逮矣不肖深恨先志之未就謀及諸族散而難合懂懂不已者已經十有一年矣雖至傳子傳孫繼述先考遺意峻工乃已矣辛亥春乃與校正有司章薰謀及續刊選族兄台根濬氏管都有司之任通告各派至冬十月更設剗之役鑄工亦辛丑初設之人悵古撫今悲淚難禁辛丑以後生卒嫁娶復爲登梓總三十卷矣嗚呼先志乃述不肖無窮之憾益復如新敢述一言而記焉

壬子三月下澣根澍謹跋

全州李氏世系

李氏出于全州

全州府本百濟完山新羅真興王置完山州景德王改今名以備九州孝恭王時甄萱建都於此稱後百濟高麗太祖十年討平神劔改安南都護府二十三年復為全州府成宗十二年稱承化節度安撫使十四年置十二州節度使號順

義軍隸江南道顯宗陸安南大都護府後改全州牧恭愍王四年以因元使堃思不花降為部曲五年復為完山府本朝太祖高皇帝元年以御鄉陞完山留守府太宗大王三年改今名

始祖先公諱翰新羅司空號甄城

光武三年己亥四月八日乙酉設壇于墓所之前進號肇慶卯坐酉向有表石親書陰記親製五月二十五日辛未加土于墓所在全州乾止山乙坐辛向

妣慶州金氏

新羅太宗十世孫軍尹殷義女英祖四十七年辛卯倣周公上祀先公之禮十月十六日己丑上率王世孫祇送神輿于江資政殿親題粉面仍行親祭建廟于全州慶基殿之北號肇慶同月二十二日己丑

外權安慶基殿之移安廳十一月二十六日壬戌奉安新廟

二世

諱自延 侍中

晉陽君自仁女

妣尹氏

三世

諱天祥 僕射

侍郎襲明女

妣延日鄭氏

四世

諱光禧 阿干

大將軍志善女

妣黃氏

五世

諱立全 司徒

世系